

O lieue here hÿr stae ick voer
 dinen oghen als een kint voer sy-
 nen vader. want ick liÿf ende sie-
 le van dy ontfanghen hebbe al-
 en was ick dy niet onderdanich
 als een kint synen vader mit rech-
 te. Daer om bidde ick dy lieue here
 om dinen vaderliker trouwoe dat
 tu my voer alle schadelike dingē
 wilste behoeden als een vader sÿn
 kint. Ende wilt my myn son-
 den vergheuen die gheleden sprit
 dat ick sie bekennē moet en̄ din
 godlike ghenade sonder onderlaet
 an my arme mensche beholden
 worde Amen. *W̄ n̄ aue maria.*

O lieue here hÿr stae ick voer
 dy als een vrent voer synen alre
 liefften vrent den ick schuldich
 byn bouen alle creaturen toe die
 nen al heb ick din vrentschap lie-
 ue here dickewile verlorē myt